



**SKUPŠTINA KANTONA SARAJEVO
KLUB ZASTUPNIKA DEMOKRATSKE FRONTE
ZASTUPNICA VEDRANA VUJOVIĆ**

**Za:
VLADA KANTONA SARAJEVO**

Na osnovu člana 213. Poslovnika Skupštine Kantona Sarajevo („Službene novine Kantona Sarajevo“, broj: 41/12 – Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/20), upućujem:

ZASTUPNIČKU INICIJATIVU

Vladi Kantona Sarajevo da u drugoj polovini 2024. godine, odnosno prilikom izrade rebalansa Budžeta Kantona Sarajevo za 2024. godinu ili preraspodjele sredstava

predvidi sredstva u iznosu od približno 5 500 000 KM za isplatu razlike iznosa pojedinačne subvencije za rješavanje stambenog pitanja mladih po pozivu iz 2023. godine u visini od 10 000 KM.

OBRAZLOŽENJE

Vlada Kantona Sarajevo je dana 23.10.2023. godine objavila Javni poziv za subveniconiranje rješavanja stambenog pitanja mladih, što je od 2017. godine postala praksa kao vid podrške mladima u Kantonu Sarajevo. Također, od 2017. godine standard u visini isplaćene pojedinačne subvencije je 10 000 KM za svakog aplikanta koji ispunio uslove po objavljenom javnom pozivu.

Međutim, realizacija ovog programa po javnom pozivu iz 2023. godine, na način kako je to urađeno, proizvela je kontraefekat. Naime, zbog neadekvatne pripreme za raspisivanje javnog poziva, te nedostatka sredstava namijenjenih u ovu svrhu, iznos pojedinačne subvencije je umanjen u odnosu na prethodne godine, te je mladima isplaćen iznos pojedinačne subvencije od 4816 KM, umjesto 10 000 KM što je do sada dostignuti standard, te što je bilo obećanje koje je mladima javno dao premijer Kantona Sarajevo.

Zbog svega navedenog, mladi koji su ispunili uslove iz javnog poziva su mjesecima izražavali nezadovoljstvo kroz proteste i druge načine javnog izražavanja nezadovoljstva. Smtram da je njihovo neslaganje sa odlukom Vlade Kantona Sarajevo

da se iznos subvencije umanje za više od 50% u odnosu na prethodne godine potpuno opravdan, posebno ako u obzir uzmemo enorman rast tržišnih cijena nekretnina u Kantonu Sarajevo, te inflaciju i povećanje troškova života općenito. Primjera radi, od 2017. godine iznos subvencije u prosjeku je predstavljao 10% cijene stana od 50 kvadrata, a isplaćena subvencija po pozivu 2023. godine nije niti 3% cijene stana. Također smtram da Vlada Kantona Sarajevo nije pokazala dovoljan nivo razumijevanja za ovaj problem i za nezadovoljstvo mladih, te je tako ugrozila povjerenje mladih prema institucijama Kantona Sarajevo čime je preuzrokavan kontraefekat u odnosu na ono što je ideja ovakvog programa.

S tim u vezi, tražim od Vlade Kantona Sarajevo da pri izradi rebalansa Budžeta Kantona Sarajevo za 2024. godinu ili prilikom preraspodjele sredstava, predvidi sredstva u iznosu od približno 5 500 000 KM za isplatu razlike iznosa pojedinačne subvencije za rješavanje stambenog pitanja mladih po pozivu iz 2023. godine u visini od 10 000 KM, a kako bi mladim pružili stvarnu podršku pri rješavanju stambenog pitanja, te vratili povjerenje mladih u ovaj program prije raspisivanja narednog javnog poziva.

Sarajevo, 26.02.2024. godine

Vedrana Vujović s.r.